

محمد جمال حسان

محمد الشاعر

همس

أشعار

بالعامية المصرية

الطبعة الأولى مايو 2018

بطاقة الكتاب

عنوان المؤلف : همس
المؤلف : محمد جمال حسان (محمد الشاعر)
التصنيف : أشعار
رقم الإيداع : 2018-10785
الترقيم الدولي : 978-977-85390-9-7
عدد الصفحات : 122 صفحة
رقم الإصدار الداخلي: 195 – الطبعة الأولى مايو 2018
جميع حقوق الطبع والنشر محفوظة للمؤلف، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من المؤلف

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع

أسسها الشاعر ناجى عبد المنعم
عام 2017

رخصة مزاولة مهنة: 58365 – سجل تجاري: 2017 / 13242 – بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 – 01116202218 – 01202541192 طيفاكس: 020554372901
alnilwaalfourat@gmail.com
المنزل الرئيسي: ج.م.ع. محافظة الشرقية – العاشر من رمضان – مجاورة 13 – أمام سنتر الد3 – عقار 304

الإهداء

إلى أسرتي الصغيرة

إلى وطني الأكبر

إلى قرائي وأحبابي

أهدي لكم كتابي الجديد

(همس)

عله يعكس حبي لكم جميعا

الشاعر

محمد جمال حسان

(محمد الشاعر)

تعبت من الكلام

خلاص تعبت من الكلام
والضرب في الميت حرام
بعت ليه قولي بكام
كأن التمن
اشتريك بعمرى كله
قلبي بعدك ايه فضلوا
قولى مين يمشي في ضله
من الزمن
واحد واحد ماتبعنيش
بعدك انت ازاي اعيش
خليك جمبي ماتسبنيش
كده للندم
لو على المرار ماشفت غيروا

البركه فيه وكتر خيروا
سايبوا لنفسه ولضميروا
اللي اتعدم

انا ماشي ومش داري

انا ماشي ومش داري
هاروح على فين
كلها ليله في بلادها وتبكي العين
وارجع تاني في الوحده
عشان واحده وحب سنين
الاقى عيوني خايناني
وفايته القلب في نار وحزين
وأفضل ايامي باعاني
من الذكرى مع الغاليين
كانت ايام محلاها
كانت ايام في صباها
كانت أجمل فرحه
كانت أجمل حنين

انا ماشي ومش عارف
هشوفها ازاي
وكل ما فيها بيوحشني
وبدعي الله اكون نساي
من غيرها الموت بيحي
ولو تيجي شوف بحيا ازاي
ده حب اتكتب على جبيني
وعلى عيني اسيبه ازاي
انا ماشي ماتسالينيش
اعيش اموت أو اموت اعيش
انا ماشي ومتغرب
عشان شغلي واكل العيش
انا ماشي ومش ناسي
قلبي ليكي ماتشكيش
خافي عليه وكمان حايديه
حبك عشقك بيهم بيعيش

انا الماشي واهوان لي الموت
أبوح بحبك أن شاء الله اموت
اخاف عليكى وعلى سيرتك
وارجع تاني ابات في سكوت
وانا من امتى كنت في حبك
يا حبيبي ليا صوت
انا الماشي ومش بالذوق
عيوني في غيابك حرقاني
قلبي مخنوق
ابات الليل اتألم يقتلني الشوق
وعلى سريري اتقلب من تحت لفوق
ماشفش النوم بعيوني
لا انا نايم ولا بعرف افوق
وانا الماشي ومش ناسي ومش ايوب
انا اللى فى حبك بتعلم ولسه يدوب
انا الماشي وكلي جروح

ولو تروح الروح بتروح
ولو تغيب عن عيني
أهون عليا طلوع الروح
ما انا الماشي وانا المدبوح
انا الماشي في عنيه دموع
فكرك يعني مش موجوع
بصرخ من جوه فؤادي
حرام في حبك اموت ماالجوع
ما انا الماشي وده الموضوع
انا الماشي ورزقي على الله
وكل جرح بيوجعني بقوله اه
بيتعبني بيالمني ولا بنساه
ومش قادر اني اعارضه واقوله لا
انا الماشي وقلبي وجعني
بقول الاله ياريت تسمعي
بقول الجرح قتل الفرخ

ومتبكيش لو بتود عني
وانا الماشي..

وازاى اقولك

وازاى اقولك على اللى فيه
واللى فيه ميتحكيش

ولو بجد تحس بية
تعرف انى بيك بعيش
دة انت روحى وانت كللى
وانت عمرى اللى فاضلى
فارجع واقولك متسبنيش
كل اللى فى ما يتحكيش
#####

بدعى يا ربى تغفرى ذنبى
وازاى يروح دة الروح تروح
ويبقى جمبى
الدنيا عندى ما تساويش
كل اللى فى ما يتحكيش
#####

عارفك بعيد نارى تقيد

واعمل اية انا فى النصيب
نفسى اشوفك اعذر ظروفك
بدعى ربى تكون سعيد
عمرى جمبك ما يتنسيش
كل اللى فىا ميتحكيش
#####

شفت بعينى الفجر

شفت بعينى الفجر
بنات يمين قالعه
يكسر عنية الولد
اللى غصب عنوا طالعة

ماهو عيب نلوم على الولد

والبنت قدامة خالعة

توب الحياء غالى

ولسة النيران والعة

ولو الست جوزها تعبها

يوميّن تكون خالعة

وتشوف عريس مهاود

لا رايحة فين ولا طالعة

سيبك خلاص من الشرف

كلوا اaaaaaaaaaaaaا قرف

الست اليوم بتحکم

والرأجل خلاص إخلاء طرف

وكلوا بالقانون تعيش الفقر

وہما غناء و طرف

شفت بعينى الفجر بنات يمين قاعة

منين اعرف

منين اعرف
انك عايش ميت
بس علشانى
أن وجودك حياة
بيهز كل كيانى

لو ليلة قلت اه
اصرخ واقول اة يانى
على حبك على قلبك
وعلى الهوى اللى خلانى
افوت اهلى وافوت صحابى
وكل خلانى
ومنين اعرف
انك عايش ميت
بس علشانى
ومنين اعرف
ان قلبك انت فى ضلوعى
وان عنيك يوجعوك
لو تنزل انا دموعى
والله حرام تخبى الحب
وتتهى موضوعى
انا كللى ليك

وعمرى وقلبي
والله وشموعى
بس بلاش تبعد وتغيب
من تانى
منين اعرف
انك عايش ميت بس علشانى

سيبك انت

سيبك انت اللى ليك مش باقى عليك
اقفل بابك ولم اشواقك وارحم عنيك
خلاص باعوك فى مزاد ورب العباد عالم
نقص الحب لم زاد ودى اخرتها يا ظالم
كنت الهوى والزاد بعد ما كان القلب سالم
جنيت انا على روحى مالى ومال العشق
خلونى مسخرة العاشقين واتهمونى كذب

اتهمونى باطل يلعن ابوة الحب
بيكرى ناس على ناس والنفس أماره
بتصدقهم ليه قوليلى جبوك منى إمارة
اللى بايع بايع ومش هتفرق وانتى بعنى
كل السنين راحت وماتت مبقتيش خلاص بتاعتى
ارحم نفسك وعنيك عيب عليك يا واد تبكى
تعبان يا جلبى

سيبك انت
من اللى جاى
ومن اللى راح
تعبان يا جلبى
وسط ناس ملوك جراح
بكيت بحرقة
والله ما فارقة ولا ترتاح

آخرها معروفة
يا ابو القليب أخضر
ينشف على ضلوعك
دة جزاتنا يا قلبي أن الحبيب
يبيعك ويخرج كمان على طوعك
نصب نفسة قاضى غرام يفتح
مواضيع الناس
وينهى موضوعك
شق الميه شق
وبعد وكيف اجارية
ياقلبي ما كسر إقلوعك
ما انت اللى جايب الغرام
وجاى تبكى
اختشى بالله عليك
وقوم امسح إدموعك
عملت خير فى ناس باعوك

ونكروا معروفك

صباح جديد

صباح جديد
من غيرك يا حب
صباح لسة نادى
بعيد عن وجع القلب
بعيد عن الكلام
والعشق والغرام
فى الشوق لينا سنين
أهو وهم وكلة كذب

والله ما بعد بس البعد
عند الكرامة فرض
انا الإنسان بطبع ملاك
بعيش على الأرض
اصلى صعيدى
وجلبنى صعيدى
ما بظلم حد
تيجى عليا اكيد هاستحمل
راجل دايمًا ساعة الجد
بس الإهانة وتتهمنى بالخيانة
يبقى حبك نوضع لة حد
شكلك نسيت
انى محمد
يعنى معاك مش أى حد

انا المظلوم

انا المسلم وانا المظلوم
انا الحاكم لكن محكوم
حاكم كنت بكتاب الله
فتنا كتابا واحنا خوات بقينا خصوم
وانا المسلم انا المظلوم
انا الرافض وعشنا عبيد
وكل يوم خصومنا تزيد

يطفوا لى نارى ونارى تقيد

وانا مسلم بجد اكيد

انا المسلم وانا المظلوم

سيبك من وجع القلب

وازاى يكون لك قلب

عايش بية وكمان تحب

خليك ياواد كده

عايش سيبك من وجع القلب

سيبك من اللى تعبك

وخليك فى اللى يعينك

هتلاقى اللى يحبك

وانت هتشيلة فى عينك

فيها ناس كثير

قليل اللي شاريك
كتير اللي بيعينك
مشى الناس علام
أفعال مش كلام
كتير بيقول بحبك
وخسارة فية سلام
تتعلم غصب عنك
فى حلال وفى حرام
مشى الرجال كنوز
ومشى الحريم يزل
تزرع تلويلى البوز
ياما قبل منك زل
كلامى ليك إمارة
وخلصت لف السوق
مكدب روح وجرب
ودعيلى لما تدوق

المر يسمم خلقك
ساعتها بس تفوق
سيبها للخلقك
احنا تحت وهو فوق
وازاى يكون لك قلب
عايش بية وكمان تحب

ماعدش فيها رجوع

أسوء ما في الموضوع
ماعدش فيها رجوع
ولا خوفي نفني
ولا صوتي كان مسموع
مدبوح من جوه لجوه
والعين مليانه دموع
صحيح انا جسد ميت
حتى الوجع ممنوع
وازاي تدفنوني حي
وايه التمن وكام المدفوع
هي الحكايه ذل في ذل
وده جزاه اللي راسه مرفوع

اسوء ما في الموضوع

هو الوطن قليل

كلها مستعجله
وركباها القيايل
واللي تشوفوا راجل
الزمن خلاه عويل
تشك في القلوب العميه
ازاي تقدر تميل
انا اللي من صعيدك يامصر
وشارب ميه النيل
ومين يقدر ياخذني
من حضنك صعب ومستحيل
انا ابيع الجسد
بعد الروح

وبعد ربي انتي المنى
بس رجالك قلابه
بس كمان فيكي الأصيل
انا اللى ابويا رباني
على الوفاء ورد الجميل
لتكوني فوق فوق راسي
حد موتى وانا واقف
الخدمه ليا اطلبى
ولو طلبتي انفذ
لو حتى عليل
هو الوطن قليل
والله مهما عملت ليكي
هايفضل قليل

بنات المدارس

اشوف بنات في المدارس
احلف يمين والله مادارس
ولو جابوا الرز منيش دارس
وازاي نتغير
حتى الشباب مالوا عوزه
فالح على القهوة وعلى الجوزه
شبابنا ضاع وبلدوا عجوزه
وازاي نتغير
امك وابوك انت عنيهم
مهما تعمل غالي عليهم
فبلاش حبيبي تعاديهم
وازاي نتغير

لا تلومنى

اراك اليوم تنسى كل ما فينا
تنسى حبا وتنسى قلبا
عاش يوما لاجلك فدعينا
من الحب الذى يروى بشر نفسك
وارحلى بالذكريات اعلا السفينة
فالبحر الذى يحمك بحرنا
فبحر الغارب اطهر منا بكثير المرات
لعلى اجد بعدك حبا لايساومنى
اغنى كما كنا ندندن اغانينا
اعيش ف بلدا جديد لانى
اراك اليوم تنسى كل ما فينا
تركت عقب الماضى الردى
الى مستقبلا مجهول
ابحث فيه عن حب قلب

ابحث فيه على الصديق
فابلدنا القديم اصبح ف نفاق
ولا ارانى يوما اعود الى الوراء
مهما طال او قصر الطريق
فلا تلومنى يوما انا من علمتك الحب
وانت من علمنى التصفيق
وغرقت ف بحرك
ولم ترحمى انات الغريق
فصنعى لى قبرا يليق بى
بخيانة حبك حب القديم
ارحلى ولا تنظرى اليا
يكفى اراك اليوم تنسى كل ما فىنا

انا شايفك واقف مستنى

انا شايفك واقف مستني
في الحب تقول اي كلام
على مسرح قاعد بتغني
جمهورك بيقول يا سلام
والله ظالم وايه يعني
وايه الجديد عيني ما بتنام
وانت مقضيها تسالي
والنعمه حرام

شايفة القمر

شايقة القمر يا جدة صوح وعيله
وعيله يا ولدي الأهم ابوك وعيله
لو يوم قال اه اشيل عنه واعيله
اصيله يا جده ياللي حبك فاق قلبك
حبك اللي غطى عيالك وعدى على عيله

هذا قدرنا

هذا قدرنا هكذا قالت هكذا صدقت
وحمدت ربي على ما فاتني وما قصرت
يعلم الله ما يعلم ولا نعلم كما عانيت وضحيث
كنت لي انفا سي كنت لي حلما وكم تمنيت
كنت أرضا زراعتها وردا وما منها جنيت
شوكا جرح قلبي عذرا كثيرا كثيرا عانيت
استبيحك عذرا رشفت عذرك واكتفيت
انتي من قلت انا انت وانت انا فتماديت

الحكاية إيه

وهي الحكاية إيه

غير شويه وجع
وتنتهي ببكايه
وارجع وحيد فرداني
ابص يمين وشمال
مش لاقى حد معايا
وكأني ما تعلمت واصل
واللي كان عليا دين
راح لصحابه فقول واصل
وأفضل انا الجاهل
وابيع واشتري في جلبي
والناس في قلبي انا تفاصيل
واشمعنا انا من بين قلوب
كل الاحبه غشيم
واشمعنا انا قلبي ينكسر
بيدمر وقلبوا هو سليم
كل القلوب تحط على شبهها

وقلبي انا كانوا عقيم
لا ليه رفق ولا حبيب
ألوم على قلبي
ولا اللوم على النصيب
قادر يارب تريح
امتى الجراح بتطيب
مانيش قادر ولا فاكر
ولا عايز اعيشها غريب
جرحي غريب قلبي غريب
في بيتي غريب حتى لما قلت
احب بعدوني وقالوا نصيب
هي الحكايه ايه غير شويه وجع

واحد واحد

طب واحد واحد

من البدايه كان اعجاب
مش حب ماكنش عشق
باختصار ايش جاب لجاب
وكالعاده نايم على ودانك
وفي يوم وليله بتفكر
انا ايه انا مين
انا فين ده انا على الباب
وحياه امك
باب العشق وتعب القلب
دي ليله سوده دي ليله هباب
وطريق ملوش راجعة أولها الحب
وكمان في آخرها نكون اغراب
ياريت اغراب موضوعنا كبير
ازاي قلب يعشق
يتحول لكره بدون اسباب
بس هي البدايه

كده بتبتدي مش عارف
زي النهايه
بتتسرق وبردوا مش عارف
وبينهم يمكن سنين متحسبوش
سنين حب بين اتنين حبايب
كانوا واحد وكمان مبيتحسبوش
بس نسيت ان الايام الحلوه
غصب عني من العمر مايتحسبوش
غصب عني لقيتني بحب
وضاع عمري في كلام معسول
سنين عايش على الكافيار
واللاقي نفسي في طبق الفول
ملعون ابوك يا حب
ملعون اللي قال
من القلب للقلب رسول
واحد واحد

من البدايه كان اعجاب

بيوعد ويخلف

كان بيوعد كان بيخلف

وكان بيقولى الظروف

كان وكان كلوا كان

لما نسانى الحروف
لما حيرني فى كلامه
وف امورة وف غرامة
اطلب بس اقابلة يقلى
بكرة لما اشوف
يجى بكرة يقلى بعدة
اصلى بخاف الناس تشوف
عارفة حبيبى عارفة شارينى
بس مشارك حبى الخوف
امتى يبطل امتى يجيني
انا والله كثير ملهوف

وقالتلى

كنت محتاجة حزنك ابكى واترمى فيه
كنت محتاجة وجودك بالعالم وال فيه
كنت بحب ضلك واموت واتمشى جمبك
وكل املى اكونك مراتك شائلة همك

حبيبى انت قلبى اللى ما فارقتى عمرى
ولو قدرت ابعد اكيد الموت غلبنى
لخاطرى متسبنيش الكون ما يهمنيش
الكون لية واحد من غيرة صعب أعيش
كنت محتاجة حضنك ابكى واترمى فية

امسح دموعك

سيبك انت
من اللى جاى
ومن اللى راح
تعبان يا جلبى
وسط ناس ملوك جراح
بكيت بحرقة
والله ما فارقة ولا ترتاح

آخرها معروفة
يا ابو القليب أخضر
ينشف على ضلوعك
دة جزاتنا يا قلبي أن الحبيب
يبيعك ويخرج كمان على طوعك
نصب نفسه
قاضي غرام يفتح
مواضيع الناس
وينهى موضوعك
شق الميه شق
وبعد وكيف اجارية
يا قلبي ما كسر إقلوعك
ما انت اللي جايب الغرام
وجاي تبكى
اختشى بالله عليك
وقوم امسح دموعك

عملت خير
فى ناس باعوك
ونكروا معروفك

العيد جاى

العيد كالعادة جاى دايمًا فارد قلوغه
والمر شاربة سادة والحزن بقيت فى طوعه
كان نفسى نكون زيادة بس التراب أهو لم
خد منى الحبايب وادينى عايش من غير دم
أمانة انا قلبى دايب وكتر عليه الهم
الله يرحمك يا ابويا ومراتى
ويرحم معاكم الخال والعم
الليلة وقفت عيد وبالدموع بدعى

والغالى عنى بعيد وفى الجروح مدعى
راحوا من غير مواعيد ابكى على اللى اتقطف بدرى
والعيد كالعاده جاى دايما فارد قلوع

الجراح

كل الجراح تعدى تقوى قلبى ما تخفيش
الخوف تنسى حبى بعدك انت ازاي اعيش
اتحملت عشائك ليالى سنين طوال
مجاش على باللى انك تبغنى شئ محال

اسال عنى العذاب ويا الجراح ويا الانين
اسال قلبى اللى داب من الغرام ويا الحنين
اتعذبت عشائك وشففت منك كثير
بس غصب عنى كان قلبى ليك اسير

خلاص بعث الجراح بعث العذاب بارخص تمن
تعبت من حياتى ومن جراحي من الزمن
اتغيرت عشائك بقيت انسان جديد
عشان اعرف اجرح وقلبي يكون شديد

الى بينى وبينها عشرة

الى بينى وبينها عشرة
ماضى حلو وجاى جديد
خلتني اغنى غنوة
للمصاب بعد الشهيد
وانسى الحزن يوم الفرح
وانسى الجرح يوم العيد
الى بينى وبينها عشرة
شفت بنات زى الرجالة
والرجاللة واقفه اسود

ومؤمرات علينا شغالة
بس مصر بكرة تعود
يارب تكونى ف احسن حالة
ويسلم جيشنا على الحدود
اللى بينى وبينها عشرة
شفتى عمى بيبنى فيكى
ومرات عمى بتقويه
وعسكرى قاعد وبيحيمكى
واموا بتدعى خايفة عليه
والفلاح بيزرع ليكى
احلى اكل بناكل فيه
ماللى بينى وبينها عشرة
شفت العامل فى البترول
بيقول مصر وبيقول غارب
يصحى يلبس الافرول
ماهو من ميه نيلك شارب

شوفى كام بير جوى الحقول
وعمروا فداكى معاه مش فارق
ما اللى بينى وبينها عشرة

يا ام الجمال فضاح

عيونك سرقانى
يا ام الجمال فضاح
والقلب بيعانى
يا ام الخدود تفاح
بجد بايعانى وتقولى
على شبابى راح
وانا اللى من غيرك
ماعرفت يوم ارتاح
جبت قلبى على كفى
والدم مالينى
قلت اهديكى بيه

قلت هادينى وقتلى
يا محلى العلم اللى فى ايدك
قلت دى شرايينى
قالت احمر
وابيض واسود قلت آه
وحياة ربى
وسيدنا النبى ودينى
ان الحمار دى والبياض
قلبى والسواد لونى
يا ام العباية
تلت تلوان ونسر
ومن يومها
بقى لون علمك يا مصر
انا قلت لولدى
قوم شد فى الدفاع حيلك
شرفك وعرضك

ووطنك هو اللى باقيلك
وبكفاياك يا ولدى
قعدت امك
فى البيت بتدعيلك
شد سلاحك
على كتفك وعدى للضفة
المرجلة لينا
احنا ولليهود طرحة
حتى مرتك تستناك
ومجهزة الفرحة
شائلة فى حشاها
الولد يصرخ يقول ابوى
وقلبها يرد عليه
ابااى الوطن
ولا بوك يقول الوطن
وميت ود الشهيد

يكون يتيم
ولا يعرف الكسره
ده جاهز كمان بسلاحه
جاهز لندى بكره
حالف يجيب حق ابوه
ويدوقهم الحسره
عرفتوا ان الشهيد شهيد
وولدة معاه وخدها وراثه
سواء كان عامل
او فلاح او بيذاكر من كراسه
احنا الدرس فهمنا
وبندرسوا لولادنا دراسه
ان الغنى مش فلوس
ولا تسكن فى الف قصر
الغنى مرجله وشهامه
ملهاش مكان غير فى مصر

إِظْلَمِينِي

وايه غايتك فى الحياة
غير بس تظلمينى
زى جاحد هد ال بناه
نفسى فى يوم تفهمينى
تروحي شمال اجيكى
تروحي يمين تلاقينى
فاكرة حبى ليكى
ضعف تبيعى فيا وتشترينى
لا يا قلبى ليكى
رف يوم ما تيجى وتجرحينى
بس انا قلت يوم تعقل
لازم فى يوم تتقل
كنت بستانك يا وردة

وجه اليوم الوردة تدبيل
وردة عاشت وردة ماتت
بس عيوني حاش الله تدمع
وشاهدة كل الناس
والحق من ربى فشوف واسمع
مين اللى ظلم مين ومين
اللى جرح مين ومين
اللى عنيه خاينين
فمترجعش تشكى وترجع
تانى تبكى وجايا اليوم تداوينى
واية غايتك فى الحياة
غير بس تظلمينى
قلت بحبك مليون مرة جيتلك
عاشق شوفى كام مرة
بيا حياتك بقيت حلوة
وبيكى حياتى صبحت مره

لية فاكراىى دائما قاعد
انتى وقلبى هرمىكوا بره
الحب عرفناه للنسوان
والرجاله فى بلادنا حره
والضعف عندى اصلة
قوه فنفسك ترجعلى
كان ع عىنى
واية غابتك فى الحياه
غير بس تظلمىنى

عليه العوض

لما تكون بتحب الدنيا***وتجرى وراها ثانية بثانية
تجنى فلوس تجرح تدوس**يبقى قلبك دة حاجة ثانية
وعليه العوض

لما تكون مش شايف غيرك*بائع الكل حتى ضميرك
تتمنى الفوز وتبنى نفوذ*ابعد عنى وكتر خيرك
وعلية العوض

لما تكون عايش ومفيش**حاجة حلوة فيك بتعيش
كلت حرام مش بس كلام**وفاكر ان الناس طرابيش
وعلية العوض

لما انت مش خاينه

لما انت مش خاينه
وحبك ليه طاهر
تبيعى ودى لية
وتشتري المظاهر
بسمتك فى وشى تبان
والسم جواكى مش ظاهر
تعبت انا من النسوان
والغدر جواهم فى القلب
تامرها تقول حاضر
ولما انتى مش خاينة
شوفت فيها العبر
وكل الصفات اللوان
فى يوم بتبقى بشر

وفى عشرة تبقى شيطان
ترسم دور الوفية
واشرف منها التعبان
تشوفها تقول وليه
تطلع غدر الزمان
ولما انتى مش خاينة
تعبت فيها تحاليل
والقلب مش طايق
دكتورى يقول تحاليل
على القلب ال مش طايب
خايف اموت من الحسرة
واتفضح فى القصايد
يا ناس شوفولى حل
اموت شديد القلب
ولا اموت دايب
ولما انتى مش خاينة

هطلع انا الخايب

أمازلت !؟

امازلت يا قلبي تدب

تدق تعشق تحب
اما زلت بعد العناء
والشقاء والحزن والبكاء
فكنت اظنك عفوا
فى احشاء مت
فهل بعد عشقك عشق
وحبك حب
مولودا انت فى زمن
لا يعرف شئ عن ود
صادقا انت يا قلب
لا تعرف شئ عن كذب
اما زلت يا قلبى تدب
تدق تعشق تحب
هراء هذا ام جد
عجبت لك وللحب
يبيع القلب كالرق

والجسد سار منهما

لا يزيد عن عبد

سأتركك وحيدا

فوادعا يا قلب

أقولك إيه ؟!

أقولك إيه

وأنا شايف الحزن فى عيني

يا اعلی من روحی
ومولود علی ایدیکی
بس الظلم کتر
بصی شوفی حوالیکی
تلاقى ولادک محرومة
مسلوبة منهوبة
برة الشركات مطرودة
غصب عنی لازم اقولک
غصب عنی لازم تعرفی
ما انتی اهلی وانتی ناسی وانتی امی
حقک علی یا غارب
فداکی دمعی ودمی
بس مش بایدی
انتظلم واخویا معایا
والاقى شباب بره
البلد تاكل شقایا

مش حرام
يا ما نواب ظلمينك وظلمانه
والبلد حلتها تعبانه
بس غصب عنى ده
كل زاد على همى
واقولك ايه
وانا شايف الحزن فى عنيكى
لما اصحى الصبح بدرى
والاقى الناس بتجرى
على رزق مش موجود
شغال فين يا سويسى
شغال فين يا منوفى
فى شركات بترول
بترولا والله كبير
ومشغل شباب كتير
الا شبابا احنا

واسال ليه
يا ناس يقولوا
ملكومش فيها اساس
انتوا كبيركم تبنوا
شركات وتشموا غاز
وراء غاز
انتوا كبيركم تغنوا
على السمسمية
والدق على المرواس
ظلم اية وجبروت ايه
انا صدرى ضاق خلاص
اصرخى يا غارب وابكى
يا بحر على شبابك
الا راح فى الهم
والزل ال نابك
وزير بترول رايع

وزير بترول جاى
فيلدنا كلها فضايح
استنا الدور الجاى
ال مش جاى
متقولى يا بترودارا
انتى ناسك منين
وانتى يا ست جابكو
خيرك كلوا فين
ودارا كمان تقول
ناسى من الفيوم
وجابكو تقول خيرى
على الكل وابن غارب منى محروم
وانت يا جبل الزيت ساكت لية اتكلم
فين سوكو وبتروزيت وبترو جلف
ولا هى شركات تدور علينا وتلف
فين اوسوكو فين مجویش

ولا شباب غارب مش هتعيش
وانتى يا عامة يا ام الكل
سايبا ولادك تاكل ترابك
وتقولى زى الفل
ولا سيمتار احتارنا
والتعين فيها اسرار
غير شركات السرفيس
تعين لينا متلقيش
فامرى لله اشتغل
عامل وبلاش تعين
وراء مقاول نبني شركات
ونديها لغيرنا
ونموت من الجوع
وهما ياكلوا خيرنا
فاقولك اية وانا شايف
الدمعة فى عيونك

يا اعلی من روحی مین
بس ال بیخونک

مش عارف

مش عارف مین الی فارق مع مین
ومین الی بجد مش فارق
ومین فینا دایم فیها ومین الی حی
ومین الی میت ومفارق
مین الی حبه جوة قلبه محبوس
ومین الی حبة صقر فی الهوائ فارد
شارد کمان باعة مین الی اشتری
الحب ومین باختصار باعة

الف وخمسميه سؤال لا عرفنا رد
ولا نحدد الحب فعلا ولا اوجاعة
هو انت اية يا حب ؟
واشمعنا بس القلب بتقطع اوتاره
لو حكموني عليك يمين هبكي عنيك
واعملك قصة فى كتاب تشرب فيها العذاب
وتكون عنوانه
يا حب حرام عليك انا شكوتى منك ليك
روح الله يجازيك بتعب العاشق وافعالة
شوف كام بنية اتظلمت وقلوبهم صبحت رماد
لياليهم كانت هنا وفى ليلة قلبتها سواد
مين اللى علق قلوبنا باسمك أن كان بنت أو واد
عارفك شريف نظيف بس الزمن مش ليك
أمانة بس عليك ترحل قبل ما تبقى خراب

لما أسأل البنت

لما اسال البنت
ماشى غلط لية مش عارف
تقول لى اكل منين
واشرب انت مش شايف
هو الدين قلنا كده
واحل ازى لما مفيش لله
ال بيعمل خير
مع بنت عايز يوم يلقاه

فلوس مفيش واكيد الندل معاه
لا الاخوان قالوا عيب
ولا حتى الفلول
مين ال يرضى بكدة ده
احنا قدوتنا الرسول
خدوه الكرسي وشيلة هم البلد
مهوا عيب نجرى ع كرسي
والبنت يهينها ولد
يا رب ادين البنت
ع مشيها ولا ادين البلد
ال عيشين فيها
ويا ريت ولدى فيها ما يتولد
يمكن كمان تيجى
بنت واموت ومتلقيش تاكل
تمشى غلط

الوجع

الوجع لو كان بلد
وجه فى يوم دبح الولد
ما يبقاش شهيد
العيب مكنش فى البلد
العيب اكيد على الولد
انوا قبل انوا صبر
انه يموت من غير سبب
الوجع لو كان بلد

الوجع لو كان فينا ساكن

عمرى ما اصرخ بس ساكن
ويفرق اية ازاي ولية
خدى كلامى بس لكن
حس بيا خاف عليا
مش ثوابت الأماكن
بكرا ليا بعدوا ليك
تيجى عليا ادوس عليك
اوعى تنسى يوم بجد
انى جرحى لسة ماكن
غصب عنى يوم تخونى
المقابر ليك مساكن

الوجع لو كان عذاب
لو يموت تحت التراب
فالعذاب هو العذاب
لون غطيس زى الغراب

لما تلقى جوة بلدك
كل حلم فية سراب
مش هنتغير والخراب هو الخراب

الوجع لو كان خطر
انى اموت طبعا قدر
بس اللي ما على بالي خطر
انى اموت فى سيلك يا غارب
والسبب حبة مطر
الوجع لو كان بلد

معادلة بسيطة

كلها كده بقيت بتعيش
حبة رقص وناكل عيش
معادلة بسيطة وفكرة عبيطة
معها كمان حبة تلطيش
كلوا حرامى وكلوا بيسرق
بس الفرق فى السرقات
والبرغوت تعرفه من دمة
زى ما شفنا فى الحكايات
والغريب كدة مش ف حرامى
الغريب دايمًا مسروق
عارف مين بس بيسرق
ساكت عامل فيها أيوب

يمكن خايف يمكن فاهم
أن السارق يوم هایتوب
يا بنى سنين عدت على عينك
مفهاش توبة دى ناس بيعينك
ناس عايشين بس ع جبينك
وليك المش والله يعينك
بس آخرها الكل حساب
فكرك يعنى انك تتساب
هتخش النار وهتتساب
يكفى سكوتك م الاسباب
خاف يا حبيبي خاف على نفسك
صدق المولى مع ال كداب

كما كنا صغار

لا ارانى اراكى كما كنا صغار
كنتى الماء لى وكنت لى النار
كنت اعشقك بكل جوارحى
وحينا علمت بدينى محرما على حبك
فرجعت مسرعا باكيا على القرار
كما وددت حبكى ولكن يعلو دينى
وكما غرقتوا ف حبك واعلم انكى تحبينى
فلا انا لها ولا انتى فهل لاجلك اخسر انا دينى
لا ولا ولا والاف من الرفض
فقولى ما تقولى عليا رنى لي وراسلينى
فلا انا براد عليكى ولا بعد اليوم تعينى
فهذا قدرى احمل الدين ف قلبى وجبينى
ابيع العمر وابيع الاب والام واقطع شرابينى

لاجل ربا جل جلاله ونبيا صادقا امينى
فلا ارانى اراكى كما كنا صغار
احببتك لدرجة الجنون لا اكذب
وعشقتك عشقا ولكنى ف عشقك لا اسجد
لان السجود لله وحدة وانا لغيره لا اعبد
فانسى كل ما كان فانا لست حبيبك
القى بكل شئ ف كل ما كان
فانا اعشق الله الذى يقول كن فكان
فلكى دينك مجروحتى ولى ربا جعلنى انسان

انا מבחش التهديد

حبيبى قالى يا انا يا القهوة وانا מבحبش التهديد
بس بخاف يجى على سهوة وانا راجل شرقى وعنيد
ركبت دماغها ركبت دماغى مش بالساهل اقول وأعيد
تخبط دماغها فى اتخن حيطة كلمتى واحدة كارة التنطيط
الستات مش بتمشيننا هتمشيك هتبقى عبيط
اتعلم وافهم كدة منى ادينى عايش من غير قهوة
هى القهوة تهد البيت

لسه يا بوي واحشني كلامك

لسه يا بوي واحشني كلامك
كنت فكرنا حتي في احلامك
بعدك يا با انا الخسران
لا اخ نافع ولا حتي جيران
واحلي الايام ايامك
بعدك يا باه والله ما فيش
حتي كريم في غيابك يبكي
يبكي يقول جدي ماخذنيش
عيني تدمع مابيديش
كان متعلق وروحه فيك
ينام في حضنك ويصحي بيك
تصدق ياباه ولادي اتظلمت
امهم ماتت بعدك واتدفت
وانا معرفش احن عليهم
شايف اليتيم يابوي في عنيتهم

ساكت وايه هغير اديني حوليهم
لسه يا بوي وحشني كلامك

همس

همس الليالى تكون لما انت تكون
يحرم عليا الهوى يحرم عليا اكون
انت الدفى ساعة صفى انت السكون
انت الغلى غلى روحى ورب الكون
انى عاشق تراب القدم من غيرك انا مدفون
ولو العشق عاصي انا عاصي على العاصي
عشقتك بجلبي وعشقتك في الجليب راسي
وجعت الفواد وياك وجعت لى كمان راسي
الله يجازيك بفعالك بحق ما جرحت احساسى
كل حته فيك حكايه

كل حته فيك حكايه
ليها بدايه مش نهايه

يكفي اناك جوه مني
يكفي بس تكون معايا
كل حته كل حته كل حته
فيك حكاية
كل حته فيا بتناديك
حتى قلبي كله ليك
مهما تغند بموت في عنيك
جلبي عندك مش جوايا
كل حته كل حته كل حته
فيك حكاية
كل حته مشينا فيها
غصب عني بحن ليها
واللقي روي عيشه بيها
بحلم واغض ويزيد بكايه
كل حته كل حته كل حته
فيك حكاية

حبي ليك

حبي ليك ده اللي مخليني
صابر على الايام وسنيني
حبك انت اللي بيحميني
من غدر الزمان

كل ايامي انا ليك
بدعى ربي انوا يخليك
يكفي اني جوه عنيك
بحس الأمان

ازاي بس عايزني افكر
اني ابعد يوم أو اقدر
انت حياتي وبيك انا بسهر
غصب عني في أي مكان

روحي ليك والله ترخصك

من معروفك ومن اصلك
يكفي ولادي يكونوا من نسلك
انا زهقت الحرمان

بافتش عليكي

بافتش عليكي جوه مني كأني ناسي
ما انتي جوه وانتي بره وكل ناسي

طب واحده واحده واسرقيني
ما انتى عارفه يا ضي عيني
اني ليكي وبين ايديكي
هو ذنبي حب جلبى
غصب عني بيناايكي
يا بت انا من الجنوب
مش عاصي لكن هتوب
ما اللي ربايته راجل
تحرم عليها الذنوب
قالوا الحب عيب فبعد
اوعى يا بني يوم تغد
كفك في أيدي واسمع يا سيدي
تربه جاهز قدرى ونصيبي
يوم ما تعشق هتكون ضعيف
وانت راجل مش خفيف
كله خير جلبوا نضيف

والله اسف رغم اني بحبك
عاداتي كانت قبل منك
كلمة جاحده جوه مني
وشاقه جلب جلبي
علمتيني الحب انتي
وابويا قالي اخبي

دعيني احبك

دعيني اضع يدي على معصميك
كي اعصرها واتفقدھا
ان اشرب الخمر من مبسمك
كي اترنح وانا اتذوقھا
دعيني اتفقد اسفلك واعلاك

ويمينك ويسارك
لعلى اجد ف جسدك الرائع
كهفى المفضل
انسى فيه كل شئ انسى حزنى المبجل
دعيني ارى تضريس جسدكى بكل ما فيه
من يابس وتلال وجبال هذا كل ما اعنية
اتركينى اقول سبحان الله خالق جسدك وبنيه
ما اروعكى حبيبتي
فانت الكون كله وما فيه
دعيني اضع يدى على معصميك
كى اعصرها واتفقدھا
فلا تتلعمسى خجلا منى
فانا منك وانتى من دمي
دعيني اراكى على ما انت
فيه دعيني عليكى ارتمى
اتذوق اصول الحب منك

ووتتذوقى انتى من فمى
لعلكى تكونى حبى الاول والاخير
الى ميلمى
فعشت بدونك سنين
وجئت اليكى احمى
من نارى وهمى وحيرتى
وفى كهفك الصغير اغتنى
من الناس والجن
وتظلى وحيدة معى
فسبحان الله المصور الكريم
المبدع الغنى
دعنى اضع يدى على معصميك
كى اعصرها واتفقدھا
لعل هذا يرحنى ويريحك
يرضىنى ويرضىكى
فان الحب منك

انتى اجمل حبيبتى ما فىكى
دعنى اتبجح معكى لاقصى الحدود
فانا اتمنى ان القاكى
ف يوم ما موعود
نتصارع معا على فراشنى
والغطاء لنا ممدود
نفعل ما شائنا وقت
ما شائنا فالحياة بكى تعود
دعنى دعنى دعنى دعنى
فلا تسالينى لما كثرة دعنى
فدعنى احبك
وارئنى كيف ستمنعينى

باختصار

باختصار انا جاى اقولك
قلبي حبك من وانت بعيد
يسالونى يوم ما اقابلك
رد واضح بكون سعيد
يكفى أنك بتفضلينى
أكون ملك وسط العبيد
وحبى ليكى اللى مخلينى
عائش حياتى بجد اكيد
والبعد عنك على عيني

وفى سيرتك بس بقول وبعيد
حافظ حياتك بجدارة
وفى جامعة حبك هبقى معيد
أنطق وقولها قبلنى
تلقينى اجيلك ناسى المواعيد
يا ربايت اسكندرية
واسمك على الوريد
باختصار انا جاى اقولك
قلبى حبك من وانت بعيد
باختصار انا جاى شارى
شارى قلبك ودة اختارى
قولى ردك طفى نارى
ياريت تساعدنى على قرارى
انا دكتور لعنك
وانت ليا الاستشاري
باختصار انا جاى وشارى

اللى فاكراه

اللى فاكراه فى يوم اخويا
زى ضل امى وابويا
ده اللى دبحنى وضهرى محنى
وكان لى نصيب اللى فاكراه يوم بعيد

دبح الصحاب والغدر بيين
دبحهم قاسى ومش حنين
كلة سهل كلة كلة هين
والزمن ما كان عجيب

اللى فاكرة فى يوم بعيد

اللى فاكرة زمان حبيبي

كبر ورفرف يوم على ايدى

بكى عينى وجرح جليبي

جرح غالى مالوش طبيب

اللى فاكرة فى يوم بعيد

محتوى الكتاب

2	بطاقة الكتاب
3	الإهداء
4	تعبت من الكلام
6	أنا ماشى ومش دارى
11	وازاى أقول لك
13	شفت بعينى الفجر
15	منين أعرف
17	سيبك إنت
18	تعبان يا جلبى
20	صباح جديد
22	أنا المظلوم
23	سيبك من وجع القلب
26	ما عُدش فيها رجوع
27	هوه الوطن قليل
29	بنات المدارس
30	لا تلومنى
32	أنا شايفك واقف مستنى

- 33 شافيه القمر
- 34 هذا قدرنا
- 35 الحكايه إيه
- 37 واحده بواحد
- 40 بيوعد ويخلف
- 42 وقالتلنى
- 43 إمسح دموعك
- 45 العيد جاى
- 46 الجراح
- 47 إالى بينى وبينها عشره
- 49 يام الجمال فضاح
- 53 إظلمينى
- 56 عليه العوض
- 57 لما انت مش خاينه
- 60 أما زلت
- 62 أقول لك إيه
- 68 مش عارف
- 70 لما أسأل البنت
- 72 الوجع
- 75..... معادلة بسيطة
- 77 كما كنا صغار

79	 أنا مابحش التهديد
80	 لسه يابوى واحشنى كلامك
82	 همس
83	 كل حته فيكى حكايه
85	 حبى لىك
87	 بافتش علىكى
89	 دعينى أحبك
93	 باختصار
95	 إالى فاكراه
98	 محتوى الكتاب